

3 января, предпраздн РХ, святитель Петр Московский

3-й час

Тропари

Готóвися, Вифлеэме,/ отвѣрзися всем, Едеме,/ красуйся, Евфрафо,/ яко древо живота в вертепе процветѣ от Дѣвы:/ рай бо Оноя чрево явися мысленный,/ в немже Божественный сад,/ от негоже ядше, живи будем,/ не якоже Адам умрем./ Христос раждается прежде падший возставити образ.

Слава Отцу, и Сыну, и Святому Духу.

Яже прежде неплодная, землѣ, ныне веселися:/ се бо Христос светильника в тебе показá,/ яже сияюща в мире/ и исцеляюща недуги и болезни наша./ Сего ради ликуй и веселися со дерзновением:/ святитель бо есть Вышняго,/ сия соделоваяй.

Кондак

Кондак свт. Петра, митрополита Московскаго, глас 2

Взбранному и дивному нашея земли чудотворцу,/ днесь любовию тебе притекаем, песнь, Богоносе, плетуще,/ яко, имея дерзновение ко Господу,/ многообразных избави нас обстояний, да зовем ти:/ радуйся, утверждение граду нашему.

6-й час

Тропари

Готóвися, Вифлеэме,/ отвѣрзися всем, Едеме,/ красуйся, Евфрафо,/ яко древо живота в вертепе процветѣ от Дѣвы:/ рай бо Оноя чрево явися мысленный,/ в немже Божественный сад,/ от негоже ядше, живи будем,/ не якоже Адам умрем./ Христос раждается прежде падший возставити образ.

Слава Отцу, и Сыну, и Святому Духу.

Яже прежде неплодная, землѣ, ныне веселися:/ се бо Христос светильника в тебе показá,/ яже сияюща в мире/ и исцеляюща недуги и болезни наша./ Сего ради ликуй и веселися со дерзновением:/ святитель бо есть Вышняго,/ сия соделоваяй.

Кондак

Кондак предпразднства Рождества Христова, глас 2

В Вифлеэме зряще пеленами повиваемаго,/ всю землю держаща рукою Своею,/ предпразднственные песни Рóждшей Сего приносим:/ матерски бо веселится, держащи в недрах Сына Божия.

Божественная Литургия свт. Иоанна Златоуста

3 января, предпраздн РХ, святитель Петр Московский

Тропари по входе

Тропарь предпразднства Рождества Христова, глас 4

**Готóвися, Вифле́еме,/ отvéрзися всем, Еде́ме,/ красúйся,
Евфра́фо,/ я́ко дре́во животá в верте́пе процветé от Дéвы:/ рай бо
О́ноя чре́во яв́ися мы́сленный,/ в нёмже Божéственный сад,/ от
негóже я́дше, жи́ви бу́дем,/ не я́коже Ада́м у́мрем.// Христо́с
ражда́ется прéжде па́дший возста́вити о́браз.**

Тропарь храма

Тропарь праздника/святого

Тропарь свт. Петра, митрополита Московского, всея Руси чудотворца, глас 4

**Я́же прéжде беспло́дная, землé, ны́не весели́ся:/ се бо Христо́с
свети́льника в тебе́ показá,/ я́ве сия́юща в ми́ре/ и исцелéвающа
неду́ги и болéзни на́ша./ Сего́ ра́ди ликуй и весели́ся со
дерзнове́нием:/ свети́тель бо есть Вы́шняго,// сия соде́ловаяй.**

Кондак храма

Сла́ва Отцу́, и Сы́ну, и Свято́му Ду́ху.

Кондак праздника/святого

Кондак свт. Петра, митрополита Московского, всея Руси чудотворца, глас 2

**Взбра́нному и див́ному на́шея земли́ чудотво́рцу,/ днесь
любо́вию тебе́ притека́ем, песнь, Богоно́се, плетúще,/ я́ко, имéя
дерзнове́ние ко Го́споду,/ многообра́зных изба́ви нас обстоя́ний,
да зове́м ти:// ра́дуйся, утвержде́ние гра́ду на́шему.**

И ны́не, и при́сно, и во ве́ки веко́в. Ами́нь.

Конда́к предпразднства Рождества Христова, глас 2

В Вифле́еме зря́ще пелена́ми повива́емаго,/ всю зѣмлю держа́ща
руко́ю Сво́ею,/ предпра́зднственныя пѣсни Ро́ждшей Сего́
принóсим:/ ма́терски бо веселі́тся, держа́щи в нѣдрах Сы́на
Бо́жия.

Прокимен

Суббота. Прокимен дня

Чтец: Прокимен, глас 8: Веселі́тся о Го́споде, и ра́дуйтесь, пра́веднии.

Лик: Веселі́тся о Го́споде,/ и ра́дуйтесь, пра́веднии.

Чтец: Стих: Блаже́ни, іхже оста́вишася беззако́ния и іхже прикрѣ́шася греси́.

Лик: Веселі́тся о Го́споде,/ и ра́дуйтесь, пра́веднии.

Прокимен свт. Петра, митрополита Московскаго

Чтец: Прокимен, глас 1: Уста́ моя возглаго́лют премѹ́дрость,/ и поучѣ́ние се́рдца моего́
ра́зум.

Лик: Уста́ моя возглаго́лют премѹ́дрость,/ и поучѣ́ние се́рдца
моего́ ра́зум.

И чтец надписание Апостола: К Галáтом послáния свята́го Апóстола Па́вла чтѣ́ние.

И паки диакон: Во́ннем.

Суббо́та пред Рожде́ством Христо́вым:

Зачало 205 В субботу 26-ю. Сие же и в субботу пред Рождеством Христовым. (Гал.3:8-12)

Бра́тие, предуві́девши Писáние, я́ко от ве́ры оправда́ет язы́ки Бог, пре́жде благовест-
вовá Авраáму, я́ко благословя́тся о тебѣ́ вси язы́цы. Тѣ́мже сѹ́щии от ве́ры, благосло-
вя́тся с ве́рным Авраáмом. Ели́цы бо от дел зако́на суть, под кля́твою суть. Писано бо
есть: про́клят вся́к, іже не пребу́дет во всех писанных в кни́зе зако́нней, я́ко творити́ я.
А я́ко в зако́не никто́же оправда́ется от Бо́га, я́ве, я́ко пра́ведный от ве́ры жив бу́дет.
Зако́н же несть от ве́ры, но сотвори́вый та челове́к жив бу́дет в них.

Под зачало:

Зачало 228 В субботу 30-ю. (Еф.5:1-8)

Бра́тие, имѹ́ще Архиере́я вели́ка, прошѣ́дшаго небеса́, Иису́са Сы́на Бо́жия, да держи́м-
ся испове́дания. Не і́мамы бо архиере́я не могу́ща спострада́ти немо́щем на́шим, но
искуше́на по вся́ческим по подо́бию, ра́зве греха́. Да присту́паем ѹ́бо с дерзнове́нием к
престо́лу благода́ти, я́ко да при́йдем ми́лость и благода́ть обря́щем во благовре́менну

3 января, предпраздн РХ, святитель Петр Московский

пóмощь. Всяк бо первосвященник, от человек приемлемъ, за человеки поставляется на слúжбы яже к Бóгу, да прино́сит да́ры же и жéртвы о гресéх. Спострадáти могíй невéжствующим и заблужда́ющим, понéже и той нéмоцию обложéн есть. И сего́ рáди дóлжен есть я́коже о лю́дех, та́коже и о себé приноси́ти за грехи́. Никто́же сам о себé приéмлет честь, но звáнный от Бóга, я́коже и Аарóн. Та́ко и Христóс, не Себé прослáви бýти первосвященника, но Глаго́лавый к Немý: Сын Мой ес́и Ты, Аз днесь родíх Тя. Я́коже и инде глаго́лет: Ты ес́и священник во век по чíну Мелхиседе́кову.

свт. Петра, митрополита Московскаго

Зачало 318А Святителем. (Евр.7:26-8:2)

Бра́тие, та́ков нам подобáше Архиерéй, преподо́бен, незло́бив, безсквёрнен, отлучéн от грéшник и вýшше Небéс быв. Ё́же не íмать по вся дни нýжды, я́коже первосвященни́цы, прё́жде о своих гресéх жéртвы приноси́ти, потóм же о людскíх: сие́ бо сотвори́ еди́ною, Себé принéс. Зако́н бо человеки поставля́ет первосвященники, имúщие нéмощь, сло́во же кля́твенное, ё́же по зако́не, Сýна во вéки совершённа. Главá же о глаго́лемых, та́ковá íмамы Первосвященника, íже седе одеснýю Престо́ла Вели́чества на Небесéх, святы́м служите́ль и скíнии íстинней, ю́же водрузи́ Господь, а не человек.

Чтец: Аллилу́иа. Аллилу́иа. Аллилу́иа, глас 4.

Лик: Аллилу́иа. Аллилу́иа. Аллилу́иа.

Чтец: Воззва́ша пра́веднии, и Господь услы́ша их, и от всех скорбéй их изба́ви их.

Лик: Аллилу́иа. Аллилу́иа. Аллилу́иа.

Чтец: Стих: Мно́ги ско́рби пра́ведным, и от всех их изба́вит я́ Господь.

Лик: Аллилу́иа. Аллилу́иа. Аллилу́иа.

Чтец: Стих: Уста́ пра́веднаго поучáтся премúдрости, и язы́к его́ возглаго́лет суд.

Лик: Аллилу́иа. Аллилу́иа. Аллилу́иа.

Причастны

В субботу всем святым

Ра́дуйтесь, пра́веднии, о Го́споде, пра́вым подобáет похвала́.

Причастен свт. Петра, митрополита Московскаго, всея Руси чудотворца

В па́мь вéчную бýдет пра́ведник, от слúха зла не убой́тся.

Аллилу́иа. Аллилу́иа. Аллилу́иа.